

舊志序

昔孔子論鄭國之為命也草創曰裨論曰世叔脩飾潤色曰子羽子產辭命何國蔑有孔子奚取焉人情嫌于揚已則避而不敢首事嫌于蓋人則徇而不敢更張此四君子者當先而草創不虞人之議其專也已成而討論脩飾潤色不虞人之恥其疎與陋也要期於共濟國事而已孔子之善鄭意蓋如此今之邑古之國也而廣大蕃庶容有過之今之邑志古

高平縣志

元集

志序

之國史也載往察來觀民體物是非褒貶法戒取舍咸是焉資其視為命或端發一事或事在一時所關理道廣遠殆有過之作者述者寧渠易辦乎余讀高平志嘉其與鄭命異體而一致焉高平故有志訖嘉靖三十七年至于今五十七年矣而今劉文英續之文英行其意邑學士大夫脩其辭分門別類以故志所定為允則不易天文分野地方一不專一邑則不載疆域形勝山川古蹟丘墓故志所遺抑昔存而



本廢則必書賦有上供有軍興力口庸調權稅有登
耗有贏縮有利弊有因革國計民生之重者也則
必詳名宦鄉賢故所失收抑在後進者非輿論僉議
則不登執文非雅馴及有禪風教則不錄生有封章
邊有諭祭王言君命非可他比則特識之美哉志也
具三善焉無所矜以炫長故詞贈而約無所隱以
名故事備而覈無所詘以行媚故義正而嚴可以言
述亦可以言作可以言志亦可以言史稽古有徵無

後有式藉使鄭四賢操簡載筆其體裁華藻應若是
爾余與文英同事二年不省何狀然必聞其政今見
其志復若見其人詢事考言言可底績而志成適與
君三年報政期會故為叙論大歸且以風示諸長吏
云大沁山人李維楨本寧父撰

我國家環海為區星分郡邑其載在統志者燦也
曠列矣維是提邑亦各自為紀焉高平即古法氏為
三晉屬邑邑舊有志乃大司空郭公所纂者公邑人
也蒐羅挾實枉筆鴻裁鏡往詔來足垂永世自嘉靖
辛酉迄今且五十載矣道有升降俗有淳漓察有稷
祥政有治忽山川扼塞如故也而建置之常民聚物
叢如故也而則壤靡定靈秀鬱結聿鍾於人懿行芳

高平縣志

元集

志序

三

規幽顯或異是安可以無述哉四紀於茲猶昭耳目
失今不述久之益湮後有作者誰其徵乎邑父母昌
平劉公起家進士來尹茲土惠政仁風舒虹燦電勵
精未幾而百廢俱興矣稽古憲文考治問俗爰覽前
志而近事何寥寥也乃穆然咨嗟曰斯邑也豈其不
足於文獻哉抑亦長吏者之責也於是起而重脩之
焉廣諏咨嚴綜核難蕪穢補缺遺巨細助靡不條
列炳若指掌矣昔者杜預發引凡例乞垂舊章張衡

正三史領就新載乃若斯志庶其無之第撫拾椽
槩屬之謀野折衷損益多公所自裁一視先正之所
纂者則近事有徵而益加備焉庶幾執晉之乘也志
成以觀不佞不佞率荼噪曰藁爾茲民徼惠我公愷
悌慈祥保障同夫尹鐸彈洽宏肆良史不媿董狐其
治邑者凡幾載矣上下咸孚遐邇丕應循良之譽騰
蹕三晉行且班聯瑣闥而簪華螭頭矣繼公為政者
舍公其誰師乎考鏡微猷斯志固在也不佞浮沉南
署不獲受成以與殺青之事因序其首明南京兵部
武選司郎中前吏部主事邑進士馮養志撰

古天子以及有國之君各有史其于
舉必書雖甚諱不得而奪焉所以昭
垂懲勸至嚴重也後世方域記載之
書有美而無惡其于職亦漸以替矣
然齊魯曾鄭今皆列為郡縣邑未嘗

不得史而自山川風土人文賦籍以
逮名紳良吏忠孝節烈之屬一登採
陟百世榮焉故隱其意于懲而顯其
文于勸亦猶行古之道也當斯任者
其敢忽乎哉高平之有志沒來已久

明嘉靖萬曆中司空一泉郭公暨前

高平劉公曾兩脩之嗣是因循廢
關自天啓迄今垂數十載予初蒞法
慨然欲身任之而事關特舉恐力藹
弗克勝今歲十月奉通行脩輯之
憲檄乃卜日集議開局于邑之西館
延禮名紳賢士蒐討舊文網羅放失

訛者訂之蕪者刪之逸者增之謬者
覈之凡舊志十五卷括為十卷緒不
繁而義咸備焉其或是非進退關論
定者必焚香矢衆與紳衿邑老博諮
而確議之隻字編摩惟公惟茲于是
新舊典故燦然呈列無湮泯淆駁之

惠凡再閱月而告成事諸君子以予
實董是役當綴一言予惟致治之道
先教浚政而萬世之書與一時之言
其功又不啻倍誌之于書又教之公
而鉅者也法邑當兵燹燼蕩之後一
旦舉數十年之墜典重新之使遺文
鈍教孰有重乎是

憲令之大有造于法邑也而予雖不
敏亦得藉手竭蹶畢數載之志所未
逮邑之史有成令之責于是采釋也
况古郡國之志掌于太史周禮小行

人之職所至之國必別其風俗之書
為五以反命于王所以博綜遐逸而
周天下之故也是書成他時採風之
使或過而問焉其以資彤管之求而
佐秘閣所未備者安知不在于是耶
昔劉知幾論史有三長曰才學識而

域中稱三無私惟史居一夫才學識
豈予所敢言而是非進退上則

憲臺之權次諸君子校讐之力予又
何敢歎擅予惟矢其惟公惟忠之心
以恪脩厥職雖一邑之記載不敢不
以古史之意行之庶無隕越以貽大

與疾也其新舊增損卷目詳後紀例
不具列

順治戊戌季冬穀旦

知高平縣事三韓范繩祖題



高平邑志序

邑有志猶國齊史采風貢俗
彰往鏡來於是焉資高平舊
志四卷明嘉靖間修於郭司
空一泉先生簡古質實雅有
先進遺風議者譏其未備洎

萬曆間重修於邑令昌平劉
公佐以孝廉唐子輦增為平
五卷分門析類郁乎有章美
又未免蒐羅過雜體裁未安
識者病之繼茲俗儒以私臆
續貂遂至割裂爲章顛翻人

物魯魚亥豕雜見行間蓋四
十年來而書幾不堪寓目矣
三韓

范老父母治泫之五載道化翔
洽弦誦連於比屋頃奉上檄
重修邑志乃矢慎矢公周諮

周度博引諸儒之論力排盈
庭之訟約十五卷為十卷始
自輿地終於藝文披文考實
可信可徵焯狀彌不朽之業
云余不佞奉

召佐樞衛出聖門公以裁訂見屬

余畢覽而善之曰美哉簡而
該微而顯典而有章質而不
俚洵一詞不能贊美星野沿
草山川則統於輿地祠祀則
併於建置非所謂簡而該者
乎凡言以人傳者雖連篇必

載如咏氏之可珍若人以言
傳者即片幅僅存亦一青之
不棄非所謂微而顯者乎攷
經據史不傳疑似之文書事
書名畧依史氏之筆則典而
有章矣若勝地名山偶載遊

人之蹟方言市語不叢雜俎
之餘則又所稱質而不俚者
也四善備矣至於節孝大端
必取其協例照眾通詳無可
者乃入余認建是議以折聚
訟公虛懷嘉納而持之甚力

濫觴盡黜其是倘勸懲而關
風教者豈淺鮮哉晉明康海
纂武功志孫承宗纂高易志
徒以文章之名重於天下如
公之卓哉宏裁言為世法徵
文考獻確乎可憑且當昇


馬平分一席二公且瞠乎其
後矣

昔

順治十五年戊戌嘉平之吉

賜進士出身嘉議大夫兵部右侍

郎邑人李崇馥撰



序

古今不朽之業必非常之人始
克任之非徒才識之難亦必其
區畫之精詳衡量之曲當足以
厭一時之望而協百世之平而
後其制作所垂爲能挾以俱永

高平縣志

田

一

予待罪史館久于鄉井事耳目
益以濶有告予者曰吾邑有大
制作子知之乎予曰不知也客
曰吾法之誌因循廢闕凡數十
年而茲始克成焉非鉅舉乎予
狂踴而起曰有是哉聞孰成之

曰邑侯范公成之間公何以成
之曰公以邑之大典諮于衆得
賢紳士若而人關局雖校取舊
誌之蕪冗訛謬者重訂之而增
輯其迄今之鉅要放逸者其大
是非議論必煇蕭矣告與衆共

之而又獨手裁之及字進退不
少假自始事以迄告竣再月公
之心力畢殫而費亦不貲書成
而舉邑平之咸以為信史予嘆
曰嘻若子言予固知非范公不
克任此也雖然此何足盡公公

以天下才僕而小試百里蒞吾
法五載獄哀訟息疵魚不釐而
廢無不舉其爲政務寬大簡易
與殘黎休息而豪猾自戢境以
內慈母恃之即莫不神君肅之
至于徵發期會事出尋常而勢

處盤錯者在他境尋擾攘失措
或遂重困不可止公偃蹇談笑
從十指間剝劑之咸得其要領
叫囂不煩而咄嗟已辦所留餘
于民魚筭而康衢合鼓併不知
誰之爲之蓋其肩荷與所造乎

吾法其艱且鉅有十百于此者
誌其一端耳予故曰以未足盡
公也然古今來名著作者魚慮
數十家其凡瑣者不暇論至馳
騁閎肆如馬遷淹雅博綜若孟
堅蔚宗後世指摘猶不免焉豈

非持論之難而是非進退有未
盡合于道者乎誌雖一邑其責
豈有異焉而公之區畫詳衡量
當輕重在手人人各得其意不
舟月而數十載之曠典以舉今
起而居鈞軸之地為六字操宰

割爲秘府任折衷其于持平舉
要亦復奚有且是舉之因循廢
闕允若而年前之人幾踟躕却
顧而卒于公手成之不朽之業
與非常之人確如有待豈偶然
乎予故以爲非范公不克任此


也既以釋告者去而會公以付
劄有日遣使來徵一言予匏繫
職守不獲簪筆從公後又未及
得是書讀之竟其曲折獨就所
素知公與近所得于輿誦者爲
公述而識焉昔歐陽文忠人品

事業皆千古僅有而其所專脩
五代史獨醇雅有法為後世所
誦服法雖叢爾紀載之在天下
與在一邑雖微有間然以公之
人而為是書其于不朽宜又有
合為我告范公曰天下事行屬

公皆當如此誌矣

賜進士出身翰林院編修加一級

日講官田逢吉謹叙



高平縣志序

粵稽禹貢分冀州之
野者于春秋俱稱沃
壤吾邑高都屬焉迨

高平縣志序

張

秦漢以後俗漸敝益
漸侈然而伊祁遺意
猶牽曳曳弗衰以故
職方氏蒐輯風書泐

成國史于西北爲巨
隄其山陵畝源隱隱
隆隆周衛環峙結受
太行之甲秀而人文

瑰杰者富壽者乃遠
遠邁於他邑予遐攷
菁季揆合今茲覺仕
版日擴而人重守器

下迄比戶可封亦家
教禮讓故士謹民息
急公市義較曩管似
遠過者于三晉為僻

隅于澤潞又為化境
矣予雖未矚上世之
熙淑時從耆長傳聞
班上可紀耳茲邁覽

侯瀋陽 范公躬膺
司牧之寄以古循良
自期扶大本薤喻擊
強悍也置水喻清也

抱兒孫立階下喻慈
也三嫩畢具朱邑卓
茂之踪洵堪并駕詎
獨遜能於漢易長邾

遂慨然于褒負斥偽
尊崇簪典凡邑中芳
區勝址名宦高賢清
人節女或有淹沒弗

彰者咸得播揚之特
達之于是有重修邑
志之舉夫邑有志猶
國有史也善善之去

協乎輿論流布千載
如同一轍安在吾土
龐厚之風川巖之氣
與夫殊才絕德懿節

遺文不均賴以不泯
乎我侯之功偉矣懋
矣予薄宦天中思臥
棠蔭而不得遠邑中

之疆寓林巒每依上
於食息間今志已告
竣徵序弁端試舉疇
昔傳聞以及它鄉遙

睇者悉從紙上見之
猗歟卓哉至於闡發
幽潛搜羅遺逸善上
公而輿情協是又在

載筆者

皆

順治歲次戊戌仲冬

長至日

高平縣志序

八

張


河南等處提刑按察

使司分巡河南道

副使前內翰林國

史院庶吉士張沂

序



高平縣志序

九

高平縣志目錄

卷之一

輿地志

沿革
山水

星野
寺觀

封域
古蹟

形勝
陵墓
物產

風俗

卷之二

建置志

城池
壇廟

縣治
祠祀

儒學
公署

學田
屬舍

社學
倉廩

里甲
坊表

市集
武備

堡鎮
郵政

逃鋪

橋梁

卷之三

賦役志

田糧
稅課

京運

軍需

戶口

徭役

高平縣志

元集

志目

一

卷之四

官師志

縣令
典史

縣尹
教諭

知縣
訓導

縣丞
驛丞

主簿
大使

訓術
訓科

卷之五

官蹟志

名宦

循吏

卷之六

選舉志

辟薦
武科

進士

舉人

貢士

例貢

卷之七

人物志 忠烈 賢良 文學 武勳 孝子
節婦 隱逸 義行

卷之八 綸恩志 褒封 卹錄 任子 祭塋

卷之九

叢譚志 祥異 方技 仙釋 掾階例授耆民
僑寓 雜著 坑卒考附

卷之十

藝文志 詩 賦 疏 說 記
序 文

高平縣志目例

目例卮言

舊志卷十有五茲括為十卷蓋不欲其繁多而又期於包舉無遺也如舊編首志沿革次志天文例應統歸輿地以明職方之義而後封域以區之形勝以表之察風俗以觀美惡攷山川以辨土宜琳宮梵宇亦藉以壯山靈之色探奇吊古遺蹟故儼然在也鬱蔥茂植物產時豐輿地之槩於茲較著已至夫建置之

高平縣志

八元集

目例

一

大者首城池昭捍衛之固次縣治示臨馭之尊再次學校田社彰崇儒重道之典壇廟祠祀報功懋也公署屬舍備送迎也倉廩武備厚儲練也以逮津梁郵政雖廢替者多端而脩舉者宜講若賦役則國計民生繫乎此矣改玉以後兵燹數罹饑饉薦臻疆理汙萊而賦未減戶口凋耗而役日煩茲邑者能不惻然念之哉詩云豈弟君子民之父母今日之司牧寬催科急撫字固其所也下此而備承尉之員

高平循惠亦有其人杳相輔也以襄厥成至於躬
為師表中正愿慤期士子相觀而化尤稱急務豈非
善政善教懿美可傳而後循良著蹟邪若迺翠屏蒸
秀丹水環清鍾扶輿貞淑之氣其間英詰挺生人又
蔚起徵辟之典問代而有科目之盛於今為烈行見
夫忠孝貞廉同光天壤而况

綸綍殊恩簪纓世胄較諸一命之榮不更輝映桑梓
也哉終之以業譚非但供揮麈之資已也襍祥告警

明旦惟兢怵監觀則遵典刑守經可也毋炫壽可也
雖有妙慧神伎靈僊簡棲同於三語之撮僅復恢奇
百拜之賓即存典故降而縱橫征伐之策殺以人盈塹
千載寃呼奈何哉其以坑卒考置吾志之首載然則
學士大夫欲懋不朽之大業或獻

明廷或藏名山嘉功而外惟在藝文必其昭然可垂
與邑乘相關者存為文獻之徵倘人與文俱非吾土
華坡老鴻辭猶刪而弗入亦如王案之不安臚列則

與禩之譏爾且也當吾之世名儒輩出奇文共賞
談事及論定不叙遽為撫其行採其文也是其括十
五卷為十卷者要不失將人之大指而特於列目中
求其簡而核秩而不紊以待後之人參稽而定之也
若必如建志凡例自附於紫陽綱目之制則吾豈敢
則吾豈敢

邑人龐太樸必齋父識

高平縣志

澤州高平縣知縣三韓范繩祖纂脩

兵部右侍郎邑人李崇馥鑒定

邑進士龐太樸校輯

儒學教諭舉人郭元佐

邑舉人李鯨化

王璉

趙象乾

高平縣志

八元集

姓氏

李 洵 參 閱

儒學廩膳生員姬登岸

陳 炘

楊聖贊

田逢年

張 冲 編 次

區四十五

區十

高平縣志

縣界至王耳車

東至陵川縣界四十五里

東南至陵川界


縣境圖

和

縣境圖

上

區十五




區十五



五州府志

卷之二




五州府志
 卷之二
 總志
 西至以外總界四十五里
 西南至界

總志圖

總志圖

卷之二



五州府志

卷之二

縣治圖



高平縣志

卷之三

三


三

三



講學圖

應州縣志卷之八 學校



西

老

同

主

公

不

大

同

子

書



堂

門

高平縣志

儒學圖

五



高平縣志卷之一

知縣范繩祖纂脩 教諭郭元佐同閱

邑人李崇馥鑒定

李鯨化

姬登岸

王璉

陳炘

趙象乾

參閱楊聖贊編次

龐太樸校輯

李淘

張冲

四逢年

輿地志

土方氏先正于四履古今宰割異制而列曜經天九

高平縣志

八元集

卷一

一

州畫域可稽而見也况太史有風謠之貢虞衡登天

府之書寧第侈高山大澤實產龍蛇已邪固藩垣獻

方物俾衡今者有覽古之思慎毋曰方外之士可備

顧問吾將以觀輜軒之所採矣志輿地

沿革

高平禹貢為畿輔支邑春秋屬晉為趙獻子采地戰

國初隸韓後屬趙秦列郡縣以其地為高都縣屬

上黨郡漢改為法氏縣仍隸上黨後魏改隸建興

劉後隸長平郡北齊省法氏縣移治高平城改高平縣屬高都郡隋改高平縣隸澤州唐武德初改縣為蓋州貞觀初罷蓋州徙治晉城縣天寶初復改為高平郡乾元初復置澤州會昌初州隸河陽府縣隸澤州宋屬河東道金隸河北東路平陽府元隸晉寧路明初改隸平陽府洪武九年仍隸高平縣屬澤州隸山西布政司今因舊

論曰事貴有因勢極必變亦古今興廢之理也長平為三晉要邑爭于秦分于趙安集于漢唐雲擾于梁晉蓋亦干戈後始見文物耳嗚呼丘陵曰高或則堙之原隰既平或則畝之真樂國而謀安堵詎不急與

星野

長平介趙魏中星應觜參之次 晉天文志曰自畢十二度至井十五度為實沈唐天文志曰觜觿參實沈也實沈為晉魏其占為參井考據山河

界觜參之間

觜一度在參之右角如鼎足形至天之開明大
天下安五穀熟隋志云觜觴為三軍之候行軍
歲府主葆旅收斂萬物明則軍儲盈將得執動而
明盜賊群行葆旅起動移將有逐者張衡云葆旅
野生之可食者金火來守國易政兵起災生坐旗
九星在司怪西北主別君臣尊卑之位明則國有
禮司怪四星在井缺鉞前候天地日月星辰禽獸
蟲蛇草木之變與天高占同參十度上為日月五
星中道井氏曰參為忠良孝謹之子明則臣忠子
孝一曰參伐一曰大辰一曰天市一曰鉞鉞主斬
刈又為天獄主殺伐又主權衡所以平理也又主
邊城為九譯故不欲其動也參白獸之體其中三
星橫列三將也東北曰左肩主左將西北曰右肩
主右將東南曰左足主後將軍西南曰右足主偏

高平縣志

元集

卷一

三

將軍故黃帝占參應七將中央三小星曰伐天之
都尉也主沙漠不欲明七將皆明天下兵精也王
道缺則芒道張參星失色軍散參芒角動搖邊候
有急天下兵起玉井四星在參西左足下水象也
屏二星在玉井南玉井東下四星曰軍井行軍之
井也軍井未達將不言渴名取此也天廁四星在
屏東
黃吉

論曰天垂象聖人則之蓋授時明曆以齊七政匪
但占候之徵休咎已也然人事所感天道亦其通
焉如歲星入實沈之次晉文兆復國之祥月暈同
參畢七重灤高羅白登之厄此皆言之分星所也

驗者矣矧甯應五穀參占七將司兵宸者尚其所以感之

封域

東至古陵西抵于沁南通濩澤北臨天黨

界陵川四十五里至縣九十里界沁水四十五里至縣二百里界澤州三十五里至州九十里界潞安府長于縣四十五里至縣九十里廣九十里袤八十里統四鄉六坊六廂一百里在省會之東南五百八十里京師之西南一千七百一十里

論曰古者侯服伯甸畫野分疆幅員錯編以明屏

高平縣志

允集

卷一

四

藩之固或遠大而近小或遠小而近大其義一也
法之土宇版章四野不逾百里而表裏山河實為
壯塞昔人謂澤潞為江淮之保障茲其澤潞之保
障邪安得以百里而眇之乎

形勝

左帶翠屏右阻蒼嶺游仙朝其前羊頭鎮其後

按邑中形勝層山環抱曲水縈流砦堡皆險阻之區高下悉耕鑿之地中原平坦乃建城邑郡志曰太行險固東洛藩垣題名記曰秦晉唇齒河朔咽喉方輿勝覽云四面皆山中有平地曰高平

論曰高平扼要地也形勝固重哉乃秦趙潯尖尖
後判然則形勝重猶必有與形勝俱重者嘗考之
矣據天府之上游維本根于不拔矧慕爾提封當
必有維持固結以成絕勝之勢者已

風俗

昔稱勤儉今漸侈靡競奇鬪巧恪於奉公

按邑俗質直故元志曰其民儉朴而敦本有唐晉
遺風嘉隆以前人猶不矜緣飾故舊志曰民純而
好義儉而用禮今商負無庶技巧日生服會串慶
之事競靡于法外城居市集其風多狡猾而附近

高平縣志

元集

卷一

五

之聚落似之以東則務農祭其風近醇實以西則
務商販其風多浮詐以南則尚角較其風多強悍
以北則習椎魯其風多鄙吝大都人心畏法度而
無謔畧飾智于愚鬪淫于巧風則使然至重農桑
善積聚急奉公
又俗之美者也

論曰法俗始勤儉而後稍浸淫也誰司世教而令
至此孟方孟圓惟水從之風行而妙偃誠以其有
開必先也賈子云移風易俗艱非俗吏所能為力
砥江河之瀾以挽其趨是在今日之倡之者

山川

鳳鳴山

在縣北五十里為丹水之原山海經云發鳩多怪木有鳥名精衛相傳炎帝少女游海溺死化為鳥嘗取西山木石以堙東海每夕常聞風雨聲雖月夜亦然說者謂炎帝女有遺恨云

鳳頭山

在縣西北四十二里即發鳩山之顛形如鳳頭屹立乾地遙望縣城里人新建玄帝廟以障縣治之缺

羊頭山

在縣北四十里上有石狀如羊頭神農嘗五穀于此秀拔危峰勢凌霄漢

牛心山

在縣北三十里出石溫潤有文可現畢振姬場聖圖各有詩賦

儂公山

在縣北三十里世傳嘉定初仙人張果老曾過此故名

高平縣志

元集 卷一 六

傘蓋山

在縣北三十里遠望形如傘蓋

石室山

在縣北三十里土人作石室于此日將旦山麓常有五色雲霞及晡時始散相傳有寶氣

釜山

在縣北三十里形如覆釜釜名頡廟建于上

韓王山

在縣北十五里縣志謂韓王之墓山也其山特起上有平地數畝登臨俯瞰四面諸山如培塿然世傳秦圍韓王于此故名孝廉趙象乾有山寺于詠貢士李棠薛亦留題其上

龍王山

在縣東北三十五里上有石佛洞三教洞子孫洞俱以石為稍前鑿石為渠自山引水作曲水流觴士紳多遊集其間

舍利山

在縣東北二十五里唐釋太愚公隱此其心王表碑見藝文

翠屏山

在縣東北二十五里層峰秀石儼若畫屏

殺遠山

在縣東北二十里出紅嘴鴉

蓮花山

在縣東北一十里有石如蓮花介于迴峰曲嶂之間

龍峽山

在縣東二十里山形崆峒喬松摩雲上有古寺俗傳以為可望黃河

大糧山

在縣東十里趙將蕪頗積米于此又名米山中多玄谷雪積春淡不融

七佛山

在縣東五里上建七佛寺有石佛七唐僧所鑿其象奇古有神

空倉山

在縣西南四十五里秦白起詭運置倉于此以給趙括新建巡檢司城

吾山

在縣西南四十五里與澤州接界三峯聳翠夕照倍佳

向平縣志

元集

卷一

七

浩山

在縣西四十里有石朵山其峯如花朵朵然侍御張翮過此有和陳疋驚秋四絕

董峰山

在縣西四十里上建馬仙姑菴有石柳相傳為仙姑煉形之處見仙釋

即佛山

在縣西南三十里馬村鎮山凹有萬月亭銓部馮養志建近因奸民開窰取煤前後滿圮

知縣范出示嚴禁懸本版以為永禁

懸壺山

在縣西南二十里上有懸壺真人祠事見仙釋

五龍山

在縣西二十里相傳慕容永時有五色雲見于此故名

頭顱山

在縣西南五里秦白起坑趙降卒四十餘萬玄宗收頭顱葬于此建高靈廟春秋有司

之甲文詩詞見藝文

奇峰山 在縣西郭外有靈巖寺知縣范純和建先
亭于巔為游覽勝地金事封翁張壘壘

工貢士李鐸督脩地歲壬照宛丘太守張
仁鐸子孝燕淘俱有別蔡詩文另見

游仙山 在縣南十里山陽有慈教院李游仙通敏曾
讀書于此舊有鐘磨沒無跡至金時游仙不

以埋鐘之處啟而得之
峯寺以刻聞數十里

營防嶺 在縣東十里世傳燕頗屯軍之所背峰面澤
有險可馮去嶺百步許有古戰場荒草平沙

水聲鳴咽
過者慘焉

丹朱嶺 在縣北四十五里長子縣界以堯封長子丹
朱得名

好蛇嶺 在縣東十里此嶺舊生好蛇蟲居民厭之建
好蛇廟今廢時遇旱蝗猶祭于此

高平縣志 元集 卷一 八

走馬嶺 在縣十五里出鐵礦

丹河 原出發鳩山舊號法水經高平自西北而東
南入澤州合白水穿太行山瀉于沁上黨諸

山之水建瓴而下每一暴雨頃刻漲高二三
丈滾赤土流去如丹色方輿勝覽云白起堯

趙辛于此流古成河故名蓋亦好奇之說恐
未可據唐貞元七年屯留令平原明濟假領

高平潞流疏渠穿街達戶彙植菱芡芙蓉
光橙映宛如錦城復于潭側建水神祠祠

微亭身成佳境御史中丞武少儀為文記之
至今石碑尚存

浮雲河 在縣城北宋祥符元年龍見光燭四野河川
以名金皇統二年龍沒見

長河 在縣東北南流入丹水河渠沙遠環帶

○ 澗河 在縣南五里澗有石橋

△ 許河 在縣南二十里合縣西南之水經許在流入丹河

△ 淵靈泉 在七佛山有司禱雨輒應 宋賜號淵靈

△ 玉女泉 在韓王山有祠土人遇旱禱雨于此

△ 金龍泉 在縣北二十里團池村舊傳有二魚時躍于泉逸而即飛去疑龍也

△ 舍利泉 在開化寺一泓澄然汲之不涸

△ 定林泉 在縣東十里米山鎮之北寺名定林山穴湧出如噴珠飛濺可池可軒

△ 原潔泉 在縣西二十里原村即許河之原也周圍四丈深一丈五尺泉原湧出色清味甘

高平縣志 元集 卷一 九

△ 天王池 在縣治集賢橋西水族不生即投人頭史亦斃俗傳有天王神古故爾靈異

△ 濟瀆池 在縣西六里骷髏村濟瀆本在懷慶鄉民傳會以為濟瀆神行宮每歲三月十八日瞻禮

如濟源

△ 五龍池 在縣西二十里楊村五龍山下

△ 省寬谷 在縣西北二十里即秦坑趙卒處原楚嚴人之肉川谷流人之血舊呼殺谷唐玄宗幸過此改曰省寬

過此改曰省寬

△ 鴉兒溝 在丹朱嶺南宋慶元間老人張勝者多善行家溝之南麓每日夕群鴉集屋驅之不去

孫繁衍因名其溝

水谷

在縣西南三十里許石壁嶙峋下有清泉消流出曲徑幽巖之內有古柳數株狀甚怪異司馬李公嘗留憩其地曰此必胥子退居樓隱之所與墨霞樓友把臂入林者也
載在別集

論曰山川邑之望也氣之所翕必鍾于人故維嶽降神生甫及申而江漢滙流多材惟楚蓋人傑則地益靈也邑土厚水深代有傳人立德立功勉圖樹駿將山川益為增重豈一丘一壑第供騷人墨士游覽之具已邪

高平縣志

元集

卷一

寺觀

崇果寺

在大成街山門有閣登眺其上
游仙米尖諸嶺悉出檐下

崇壽寺

在鐘樓巷背眎韓王山若負卓然

瑞雲觀

在城西南隅頗稱幽勝

準提菴

在南關順治十三年知縣范繩祖卜地創建背南壇面金峰殿閣巍峩廊廡盤折碧檻朱甍連雲耀日闔邑紳衿百姓俱樂與助成甲一邑之勝

金峰寺

在縣西遊人題詠甚衆知縣范繩祖捐銀一百兩重脩七佛殿封翁張鑿輸金督成之
在縣北韓王山上方古刹如出天際兵部侍郎李崇觀重行脩建知縣范繩祖捐俸助工

法雲寺

林寺

在縣東米山鎮峭石寒泉悠然可愛大理
王邦柱有詩刻石孝廉李蘇化同遊和韻

清化寺

在縣北二十里

龍泉寺

在縣西北三十里古榭翳雲幽泉漱玉孝廉
石璋有山樓記

鳩山寺

在縣北三十里傘蓋村

石室寺

在縣北三十里伐石成龕列山作障知縣范
繩祖捐金三十兩重修大殿大叅畢振姬董
其事煥然一新公嘗
棲息此寺著有文集

招雲寺

在縣東南二十五里

開化寺

在縣東二十五里有五音洞即大愚禪師審
音處流寓進士涇陽張恂題詩留鐸李崇龍

高平縣志

元集

卷一

龐太樸陳熒姬
顯寔並有和詩

資聖寺

在縣西南四十里周纂鎮

吉祥寺

在縣西南三十里遊人名士吟咏如林寺有
歲本卷冊崇禎己卯知縣王漢與門人陳
輦息分下交留飲惜別山門西垣檻頽地
縣范繩祖捐金補脩龐太樸記山門第一
號稱奇絕太史張
沂有和龐子詩

華嚴寺

在縣西四十里谿壘幽邃松栢蔚蔚鳳翔之
守張毓中遊而愛之有聯句詩存

顯聖觀

在縣東十里
米山鎮

洞真觀

在縣西
王降村

指龍觀 在縣西三十里山環水遠間無人踪順治十四年重脩大殿知縣范繩祖捐金以助

清夢觀 在縣東三十里
石村

玉虛觀 在縣西三十里梁庵村孝廉田鍾玉從子太史田逢吉有讀書軒文集

東華觀 在縣南三十里
焦家河

清真觀 在縣東北四十里

仙姑菴 在縣西四十里董峰
事見仙釋

真脩菴 在回山村澤尚書
裴宇建

論曰名山勝地多標奇于觀刹高人逸士時託迹

高平縣志 元集 卷一 十二

于緇黃不過棲神方外寄象寰中耳然則泳游茲

簡濡漬貝經余懼其蕩而詭於趨也政不必同於

遠而公博虎谿之三笑矣

古蹟 陵墓附

宣聖小影 石刻在文廟唐吳道子
筆古今聖像獨此為真

神農井 去縣北四十里羊頭山神農嘗五穀于此
人鑿而飲之

石佛閣 在縣西一里金峯山相傳有疾者
灸佛多愈

白起臺 在縣西六里調體山
曰起所築以規趙軍

長平城 在縣西三十里北齊置長平郡尋廢有詩見藝文

故關城 在縣北二十五里秦時城後廢今其里尚名故關

光狼城 在縣西二十里即今之強營村是也史記白起攻趙拔于光狼城即此今聚落尚以秦趙

二城為名

高華府 在縣東四十五里即今之建寧鎮唐顯慶二年高宗開府于此開元初廢今其里近建寧

者猶名府下

蓋州 在縣東十里即今米山鎮唐武德初置天寶間廢

法氏縣 在縣北二十里即今王報村至今人稱為舊縣其地猶云廳前廳後

高平縣志 元集 卷一 十三

白壁關 在縣東二十里魏庄西大石坡

長平坑 原坑已不可考大抵長平驛以南王報義庄皆其地也弔文詩律悉見藝文

周世宗戰場 在縣南三里橫澗橋外昔周世宗戰敗此漢主劉崇于此俗謂輸塲

益國鐵冶 在縣北十里王降村元大德間置鐵都提舉司益國冶管勾一員副管勾一員司吏

二名至正間廢明洪武間徙治縣北二十里永樂中奉工部勅合為爐冶事革罷

長平戈頭長平箭頭 俱在縣北店頭王在寄處農夫耕耘每得其物悉銅為之視今

製最大而利相傳為趙軍所棄者今其地猶名棄甲苑詩見藝文

郭公堤 在縣城北元尹郭質築堤明知縣柳牙築公堤順治乙未知縣范繩祖又築范公堤

賈魯故第

在縣西二十里楊村棟梁移脩長平驛宅廢

風洞

在縣東南十里許山坡一孔風生颯颯有聲時出每三日入每三日信期不爽觀者駭異

黑龍洞

在朗公山下深數百步人不敢入洞中有泉冷侵人骨旱則居民禱于此

陵墓附

炎帝陵

在縣北四十里換馬鎮世傳炎帝嘗五穀處百姓思之乃作陵陵後有廟春秋有司供祀

按一統志云在湖廣衡州府耒陽縣康樂鄉宋乾德五年建廟置守陵戶此特其虛塚云

唐二賢墓

在縣北十五里長壽村二賢文林郎李恪暨姪將仕郎李亮其墓已為居民杜氏宅

弘治春因副地得墳穴銘石見存知縣楊子器奪杜氏之地作墳如故嘉靖三十九

高平縣志

元集

卷一

十四

年知縣張函復新之勒石為記

上騎都尉李典墓

在武鄉村即今唐安岸崩石銘出見存本里集鴻岩

宋郎中張維則墓

在野川西李之才志

贈大中大夫張宗古墓

在通義南秘書正字秦垣撰神道碑

金文簡公李晏墓

在北隰南許安仁撰神道碑

襄獻公李仲畧

在文簡公墓側

翰林直學士知制誥趙可墓

在魏庄東

知武寧軍節度使張師穎墓

在玉井西刺史侯大撰墓表

狀元陳載墓

在馬村西萬曆間裔孫陳陞重為立石

元淮西道廉訪使宋翼墓

在高良西學士歐陽玄志

明孝子王敬墓

在金峯山東學士曾鶴齡志

太僕寺寺丞王燧墓

在敬墓右

光州知州郭質墓

在長受里國子監丞李仲志

戶部員外申良墓

在建寧里

太僕寺卿趙軌墓

在趙庄東

勅建工部右侍郎郭鑿墓

在長受侍郎李璣志

高平縣志

元集

卷一

十五

勅建工部左侍郎良尚書俸郭鑿墓

在長受里

山東按察司僉事馮顛墓

在唐安西里

陝西按察司副使常存仁墓

在縣北三里

陝西布政司左叅政蘓民牧墓

在古寨北

勅建封詹事府詹事前知府劉崇文墓

在龐村西

勅建詹事府詹事劉虞瓌墓

在知府崇文墓側學士王家屏志

勅建太常寺卿郭東墓

在建寧里禮部侍郎李廷機志

贈陝西按察司僉事忠烈楊暄墓

在城西北里蕭統院編脩李士淳志

國朝

勅建大理寺卿贈工部右侍郎王邦柱墓 在唐安東

禮部尚書
胡世安志

勅建刑部右侍郎加尚書服俸李藻墓 在龍巖山之麓

大學士
馮銓志

誥贈通議大夫兵部右侍郎李向春墓

在城
北里

誥贈通議大夫兵部右侍郎李濟慶墓

高平縣志

元集

卷一

六

在向春
墓側

大學士
王鐸志

鄉賢張國綱墓

在南
康里

論曰古者賢聖之徒過都越國轍蹟所至人競思慕焉雖有傳信傳疑邑之藉以明重者大也至若平沙與帛古之思宿草增式廬之歎尤其曠然者已載馳載驅疇詎詢於斯乎

物產

高平縣志

元集

卷一

七

粟之屬

黍

紅白紫黑數種

稷

圖經曰米即捺米也

梁

穀

黃白青紅數種

按粟之種產于他邑者甚多惟高平所出精潔美腴甲于他郡

果之屬

葡萄

黑白二種

核桃

鴈過

紅

即虎刺賓

銀杏

按果之產同于他邑者不復贅入惟此數種為異

蔬之屬

蒿苳

蘿蔔

茗蓬

藤蒿

山藥

按邑潤溪沼江之毛與他邑同者不載惟此五色為佳

草之屬

潤草間有紫蝴蝶 剪紅羅 綉墩草 木槿

水紅 芍藥 菊

按邑素無奇花即有數種安足稱賞茲特標僅異者以備觀覽

木之屬

檜 楸 桑 楊 椿

按邑水深土厚木產多艱餘同他邑者不載

高平縣志



元集

卷一

六

藥之屬

蒼朮 黃芩 桔梗 防風 連翹 酸棗仁

甘遂 遠志 石膏 兔絲子 赤石脂 山查

款冬花 禹餘糧

按邑之藥實僅有數種狀亦非珍異也

羽之屬

雉 鸛 鷓 啄木 畫眉 鷓鴣 布穀

青田

按邑山高澗廣鳥鳴山谷者不及
遍載志此數者亦洛陽審音之意

毛之屬

狐 獾 狼 鼠 狼

餘同他邑
者不入

貨之屬

絲 紬 煤 鐵

按邑原無奇貨絲紬粗
有獨煤炭甲于天下

論曰語云物竭于所產言取用之無繼也法制狹

高平縣志

元集

卷一

十九

而土瘠別無珍異獨是

皇紬互市絲絹之累已成民患年輸歲給未有底止

環觀杼軸十且九空矣嗚呼翠以羽斃燭以膏

西人之子獨非民耶

卷之一終